

Mei 28, 2021

www.awemainta.com

www.facebook.com/awemainta

noticia@awemainta.com

583-1400



AWEMainta

Hoben turista di 29 aña a perde su bida na Shark Bay



Ayera pa mas o menos 5:50pm Central di Polis ta wordo notifica cu un dama turista lo tin problema den

lama na Shark Bay, cu ta keda poco pabao di Andicuri.

Diferente unidad di Polis a bay n'e sitio di e susedido y na unda na nan yegada a pidi di biaha pa ambulance y brandweer.

Por a bin compronde cu aparentemente e dama turista lo a bay den lama y na un dado momento a haye

den problema, debi na un lama masha bruto mes.

E tour guide y tambe un amigo di e turista a purba pa yude, pero nan mes a hayanan confronta cu problema den lama.

Dos otro persona a logra saca e dama turista y e tour guide. Nan a duna e dama turista CPR, pero no por a haci nada mas pe.

Na yegada di personal di ambulance tambe a purba di re-anime, pero lamentabelmente e dama turista a fayece.

E personal di Bombero tambe a yega n'e sitio

p'asina yuda e turista cu a keda riba un baranca sin por yega canto dor cu e lama tabata basta bruto.

Na un manera tactico personal di Brandweer a logra pa sake e turista masculino for di lama y personal di ambulance a trate y hibe hospital pa un chequeo medico.

N'e sitio a presenta Departamento di Recherche, Fiscal y tambe Slachtofferhulp.

Pa 7:35pm dr. Texiere a constata morto di Melissa Carrasco di 29 aña di edad nacionalidad Mericano, a nace dia 19 di augustus 1991. Por a mira cu debi n'e lama bruto, esaki a bati su victima na baranca, cu mas bien a causa su morto.

Di parti Cuerpo Policial Aruba y nos di AWEMainta ta manda palabra di condolencia n'e famia di e fayecido.



**INVEST
SECURE**



We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw



Tired of Manually Processing Forms?

SCANSYS
vision on imaging

• Digital Processing of Purchase Invoices and more
• Seamless Integration with most Financial Software
• Complete Control of Authorizations via Workflows

VCC
International NV

This OCR software scans every field on any kind of document and automatically fills the data in your preferred financial/ERP software!

TEL. 583-7072 | info@vcc-int.com | www.vcc-int.com

Entusiasmo a aumenta barbaramente den AVP despues di detencion di Benny Sevinger

Sospechonan deteni puntra riba tegels pa cas di Benny

E grito pa manifestacion masal ta sigui ser scucha cerca e nucleo grandi y fiel di partido AVP, sigur despues cu diaranson mainta a bira conoci cu oficialnan di Landsrecherche a detene e candidato di e partido aki, Benny Sevinger. No ta cuestion di crea impresion robes pero e forma di procede di Ministerio Publico, ta resona bon cla den bista di hopi hende di AVP, cu e institucion aki ta manipulando formalmente den asuntonan politico di e pais, loke ta algo di condena totalmente.

Ta mesun Ministerio Publico aki algun luna atras ora cu e miembro di partido AVP, Melvin Tromp a presenta c'un staple di documento mustrandocu con Prome Minister Evelyn Wever Croes ta faboreciendo oficina di abogado di su tata Hendrik Croes cu miyones di florin, Fiscal a dicidi cu no ta mira motibo pa un investigacion.

Un keho cu tabata contenido recibo di pagonan haci n'e oficina di abogado aki, caminda Prome Minister tambe tabata traha, pero ningun momento Ministerio Publico a manda oficialnan di Landsrecherche drenta cas di Hendrik of di Evelyn of e oficina di abogado, pa busca documentonan.

Awor ta parce cu hasta sospechosonan deteni y cera pa algun dia pa presiona nan di bisa algo malo contra di e politico Sevinger, a wordo puntra riba tegels y otro materialnan cu Benny a usa pa traha su cas, pues practicamente ta pisca Ministerio Publico ta piscando un biaha mas.

E maniobra politico aki di Ministerio Publico ta visibel, e ta ser nota pa henter pueblo y den diferente circulo caminda despues di detencion di Benny, a surgi un ambiente ainda mas grandi di unico na y rond di Cas di Parido AVP na Rancho caminda sostenedornan pero tambe hendenan cu tabata sostene partido MEP, a bin hunto pa mustra sosten pa Benny Sevinger.

Ayera mainta e entusiasmo a sigui crece, cu hendenan pasando pa ofrece nan apoyo n'e politico y n'e partido y aki tambe por a mira hopi hende cu tabata di partido MEP cu no kier scucha of mira e politiconan aki mas.

Detencion di señora di Benny Sevinger tambe ta ser condena severamente ya cu e ta un forma barata cu Ministerio Publico a bin ta usando pa algun tempo caba, caminda dor di detene pareha di un of otro sospechoso den cualkier cas, ta trata di saca e declaracion cu nan kier for di e sospechosonan principal.

Sinembargo den e caso di Benny Sevinger, e momento di diaranson ultimo tabata un momento cu nan a spera for di masha dia, cu nan tabata prepara p'esaki, pero asina ta keda algo duro ora cu mas tanto ta mira e maniobranan politico aki, hinca den otro pa un institucion cu tin un rol asina importante den democracia di e pais y cu tin cu salvaguardia derecho di cada ciudadano.

Xpresa bo mes

Ministerio Publico, ki dia ta investiga e denuncianan haci?



Bon dia nos como pueblo Arubiano ta puntra ki dia Ministerio público ta actua riba e caso di Logo di Aruba cu Parlamentarionan di MEP a entrega keho, esta Endy Croes cu Xiomara Maduro y Danqui Oduber for di 2016 cu tin corrupcion!

Y tambe ki dia OM ta investiga e 50 mil meter² di tereno cu Parliamentario Endy a bisa cu señor Otmar a duna su mes den cunucu di zuid na aña 2016 dia 16 di november? Paso tur e cosney ta corrupcion si ta berdad. Pueblo kier un investigation! Ki dia Ministerio Publico ta investiga e denuncianan aki?

Ministerio Publico ta di mala fe

Nunca caso Avestruz por keda cla pa bin den Corte prome cu eleccion 2021

SEMPER a boga pa respet pa nos institucionnan cu mester t'e wes'i lomba di democracia di e pais y den e proceso aki, Ministerio Publico ta hunga un rol di vital importancia. Sinembargo a brinda respet na Ministerio Publico den casonan cu e ministerio aki no a merece respet, caminda e institucion mes a crea e impresion cu nan no ta sincero ni cu nan mes ni tampoco cu pueblo di Aruba.

Na mes momento mas y mas ta sali na cla cu Ministerio Publico a ser transforma den ultimo decadanan, den un instrumento politico maneha y hasta dirigi p'e organiascion politico di MEP, ya cu den pasado caba tabatin casonan cu a tuma lugar contra politiconan di AVP, cu semper a carga e stempel di metemento di partido partido MEP.

Den e famoso caso contra lider di AVP, Henny Eman y e politiconan Tico Croes y Otmar Oduber, tambe e tipo di maniobranan aki a lanta cabes, pero e lider di AVP e tempo ey a dirigi su caso na Corte Superior pa pone Ministerio Publico na waterpas, loke a wordo logra tambe. Despues a surgi e caso di Lotto pa Deporte caminda tambe tabatin investigacion cu a tuma lugar pero pa un motibo of otro, esaki a wordo "geseponeerd" dor di un PG, kende ta famia yega na Hendrik Croes, kende a nombre como PG di Aruba.

Na 2017 a surgi e caso contra di ex Minister Paul Croes, cu tambe a wordo gerek manera un kakiña, violando derechonan di e politico aki severamente, tur den number di un husticia cu no tabata husticia y cu ainda ta den Corte Superior pa wordo trata.

A drenta Paul Croes su cas, a pone cantidad di microphone den cas di e homber, a tap su telefonnan, a sigui su pasonan di cerca, pues a "stalk" e politico y su famia pa un tempo hopi largo.

Hasta ora cu a permiti Paul Croes bay liber, el a wordo priva di su derecho di expresion, algo sagrado den un pais liber, pero cu Ministerio Publico ta considera un arma legal pa manipula derecho di ciudadanonan di e pais aki.

Awor ta mesun cos den caso Avestruz, caminda Fiscal Gerritschen ta sigura abogado di Benny Sevinger, mr. David Kock na luna di maart 2021 cu lo no tin nada concreto contra di e politico aki te cu luna di september, awor di repente cu eleccion a wordo avansa cu 3 luna, ata Ministerio Publico hungando su weganan di abuso atrobe.

Gerritschen a papia di trahamento di dossier a base di informacionnan ricibi for di tanto testigonan como

acusadonan y ta prome biaha den historia cu e dossier aki a keda cla den un tempo asina corto te cu a bay over na detencion di Benny Sevinger.

Loke ta laga un sabor amargo y un sentido di falsedad di parti di Ministerio Publico, t'e hecho cu e fiscalnan aki sa drommelsgoed cu e caso aki lo no ta cla pa worde presenta den Corte di Prome Instancia prome cu dia 25 di juni 2021 y sabiendo esaki, Ministerio Publico a dicidi di tog mete su mes den e ambiente politico, dunando servicio un biaha mas na partido MEP.

No tin logica den e maniobranan di Ministerio Publico y si ta berdad mes cu a dicidi di trece un grupo di recherche di RST pa tin yuda e caso aki, tampoco e caso lo ta cla pa bay Corte prome cu eleccion.

Lo no ta mas prodente e ora pa Ministerio Publico haci su trabou y evita e tipo di tension politico cu el a causa diaranson ultimo pa interes y bienestar general?

Mester manda un advertencia di precaucion pa Ministerio Publico cu su forma di procede politico, pa evita e tipo di maniobranan aki, creamento di e tipo di tensionnan aki, ya cu tin un dicho na Papiamento, Fiscal Gerritschen en Co., "macacu ta hunga su yiu te ora cu e saca su wowo"!!

Pa april ta duna homenahe na un persona colegial cu ta sobresali

Khatleen Quiñones Insuasty ta empleado di luna di HOH



Dr. Horacio E. Oduber Hospital a anuncia cu Khatleen Quiñones Insuasty a bira nan empleado di luna di april 2021. Khatleen ta senior analist na Departamento di Klinische Chemie & Hematologie di LabHOH. Diferente colega di Khatleen a bin hunto p'asina sorprend'e cu e bunita reconocimiento aki. E sorpresa tabata bon hinca den otro unda el a keda den shock pa basta rato.

Khatleen ta un persona hopi profesional, e ta pro-activo y ta mira unda mester di asistencia. Ademas, e ta percura pa opleiding pa su coleganan. E ta un empleado cu ta sobresali pa su colegialidad, semper cla pa yuda, semper presente y ta 'go the extra mile'.

E ta colabora semper cu su team y e tin bon comunicacion cu su coleganan teniendo nan semper na altura di loke ta pasando.

Khatleen ta un persona habri cu tin comprension pa su coleganan, e ta scucha otro bon y ta compronde. Coleganan por acerc'e anytime.

E tipo di cosnan asina a haci cu coleganan a nomina Khatleen pa bira empleado di luna. Ora Hunta Directiva a scoge Khatleen pa luna di april nan tabata hopi contento y a cuminas traha riba e ocasion bunita aki pa sorprend'e.

Cyrielle Laclé-Díaz, teamleider di Departamento di Pathologie, a comenta cu e no ta un funcion facil como cu mester por señala na coleganan unda mester haci cambio p'asina por mehora calidad y cantidad.

"Nos ta mira cu e ta stima su trabou y cu e ta tuma esaki hopi na serio. E tin un drive grandi pa su trabou y pa tur cos cana bon."

Khatleen ta percura pa splica esaki na un manera trankilo of tin biaha ta traha un presentacion/charla virtual p'asina por duna e informacion necesario. Ademas, Khatleen a traha hopi di cerca den e implementacion di Sysmex cual ta un aparato di hematologia 'state of the art' cu a remplasa e aparato bieu. El a haci esaki cu tur calma aunke tabatin su retonan cu ne.

Pa Khatleen esaki tabata un sorpresa sumamente agradabel y e ta gradici su coleganan y managers pa nan sosten y e nominacion como empleado di luna.

El a duna di conoce di ta hopi contento y satisfecho cu tur loke el a logra y tambe pa tur herment cu e ta haya di Hospital pa su trabou.

Un palabra di felicitacion ta bay na Khatleen Quiñones cu e merecido honor aki.



Lucha pa liderasgo den partido MEP ta inclinando pa banda di Dangui Oduber

Pandemia presenta como “proyecto” den su programa

Partido MEP a presenta su programa di gobernacion, pero algun dia despues Dangui Oduber a presenta su propio programa di maneho y di logronan completamente su so, confirmando loke AWEMainta pa algun tempo a bin ta muestra caba, esta cu eleccion 2021 lo determina futuro liderasgo di partido MEP.

Un lucha cu tin algun tempo caba construyendo su mes caminda varios confrontacion a yega di tuma lugar tabata y e gruponan cu ta sostiene tanto Dangui Oduber como Evelyn Wever Croes, a yega di haya confrontacion cu otro.

Dangui a presenta su propio revista promocional, dunando informacion di loke el a bin ta haciendo y mustrand un cara totalmente diferente cu loke e partido mes a demonstra te cu awor.

Resaltante den e revista propagandista aki, t'e hecho cu Dangui den e revista a presenta un relato con el a drenta politica mustrand cu na 2013 el a ricibi 1749 voto, mientras cu den eleccion 2017 el a aumenta esaki cu mas cu 600 voto pa un total di 2399.

Mesora ta sigui e prome logro grandi segun e propio Dangui den su periodo como Minister, ta titula “Maneho Covid-19” dedicando seis pagina n'e maneho cu su persona ta considera un logro grandi.

Pa loke ta deporte su logronan cu segun e miembro di MEP mes ta presenta, ta di pone iluminacion na algun tereno deportivo y tambe cu el a laga raspa varios tereno rond Aruba cu tabata yena di yerba mas tanto pa falta di actividad riba e terenonan.

No tin mucho mas di deporte, ningun plan pa futuro, ningun indicacion kico su persona y su partido lo bay haci y el a duna hopi atencion na ciclismo, algo cu su persona mes gusta haci.

Ora cu analisa e revista promocional aki, e ta confirma informacionnan cual AWEMainta tambe a publica riba dje, esta cu internamente tin un lucha formal tumando lugar, esta pa liderasgo di e partido geel, caminda sin duda e tendencia mas grandi ta pa guia Dangui rumbo pa bira lider di e partido pa reemplaza e actual lider Evelyn Wever Croes. Y tur esaki cu sosten di e miembro honorario, Nelson Orlando Oduber.

Un desaroyo cu a tin ta tumando mas y mas forza mirando e campaña fuerte cu Dangui a bin ta hibando pa algun tempo caba, sosteni formalmente p'e experiencia di su tata Nelson Oduber, kende ta ser considera e lider cu a scapa partido MEP di bati bancarota.

E revista promocional ta impresionante caminda notablemente, Dangui a duna hopi atencion tambe na salubridad publico, mustrand riba un mihor calidad di bida, inovacion den sector di cuidu, hasta inversion den cuidu medico y turismo medico.

Sinembargo tur e proyectonan aki cu Dangui ta promoviendo, ta proyectonan cu a inicia bou di Gobierno di Mike Eman, proyectonan manera expansion y remodelacion di hospital cu su persona a considera un proyecto desastroso y den cual lo tabatin hopi corrupcion a tuma lugar.



Awe e ta produci un documento cu no ta papia na mas di corrupcion pero si di calidad di cuidu medico, e ta muestra riba mihor calidad di bida den cuidu medico, pero su lider di partido Evelyn Wever Croes, a dicidi di saca 60 milyon for di mesun cuidu medico aki, perhudicando hopi hende den comunidad. E contenido ta papia di inovacion den sector di cuidu, loke ta imposibel si ta saca 60 milyon for di mesun sector aki, caminda dokternan di cas tin cu adapta nan servicio na comunidad dor di medidanan cu Gobierno di Dangui a tuma.

E revista promocional ta di gran calidad, pero e contenido mescos cu e maneho hiba ultimo añanan, no ta cuadra cu e realidad berdadero cu pueblo a conoce bou di e maneho aki.

PANADERIA DEL PUEBLO
Baked with Love

Fresco Tur Dia

HABRI TUR DIA DI 6:00AM-6:00PM

YAMA NOS: 5821915

Guyabastraat #4
Dakota

Gobierno di Aruba a pèrdè e caso dos biaha....

Ambtenaar cu a mèld malo for di 2011 a gana Gobiernu dos biaha den Corte

UN kaso basta pekuiliar y cu por sirbi pa muestra Gobierno con nó mester kita un empleado for di trabou, a tuma lugar den Corte di Husticia Comun recientemente caminda un empleado di Gobierno di Aruba cu ta malo na cas for di 2011 a bringa su retiro cu exito den promé instancia y despues ora cu Gobierno a apelá e decision di Hues, el a bolbe gana Gobierno, pasobra e alegatonan cu Gobierno a uza tabata simplemente nivel di amateur.

Y esey cu e homber a nenga di laga dokter di seguro examiné p'e por haña pensioen.....

Ta sosode cu for di augustus di 2011 el a mèld malo y no a bay traha mas y tampoco a bay dokter pa busca un papel di AO.

Esey a resulta den su retiro na october di 2017 pa motibo medico.

E ambtenaar a apelá, pero a gana e caso den apelacion, es más, dia cu mester a bay Corte pa defendé su caso, e no a presentá mes y a autorisá Corte pa dal bay cu e caso den su ausencia. Stail di 'con cu para, para...'

Tempo e tabata trahana Gobierno e tabata ambtenaar den vaste dienst cu derecho riba pensioen como supervisor tecnico na

Serlimar y tabatin derecho riba pensioen. (Serlimar te compania si recogé sushi na Aruba).

Dado momento el a yama nan bisa cu e ta malo y nunca mas el a bay traha, pero a sigi cobra.

Dado momento Gobiernu mes a haña cu el a abusá demasiado di bondad di pagador di belasting y dia el a yega e fecha maximo cu e por keda cas malo legalmente, Gobierno a duné retiro.

Normal ta laga e ambtenaar haci un chequeo medico promé cu duné retiro, pero e ambtenaar no a duna e dokter di Fondo di Pensioen tampoco pèrmit pa examiné.

Den promé instansia el a gana e caso pasobra Gobierno – negligente manera tradicional – nunca a proba cu a duné òrdo pa bay haci un chequeo medico.

SEGUNDO FASE

Di acuerdo cu LMA, ley cu ta goberná e condicionnan material di ambtenaar, ora un persona mèld malo y no por traha e por keda 4 aña cas. Pero ey a caba tambe y e mester bay traha of haña retiro.

(Na Còrsou ora un trahador keda dos aña malo, e ta cay bou di un otro regimen di SVB y tambe ta haña retiro).

Den e caso aki ta Gobierno a apelá e caso, pasobra nan ta para'riba cu a yama e homber pa sea bin traha òf bay dokter.

E homber a haci ningun di nan dos, pero e argumento cu Gobierno a uza pa duné retiro por a bien scirbié riba papel di toilet, pasobra loke nan a muestra Hues ta un carta cu Fondo di Pensioen di Ambtenaar a traha dia 6 september 2016, pero Corte no a haña e carta convincente.

Tur loke e carta ta bisa cu e Comision Medico di Fondo di Pensioen a constata cu e trahador no a duna pèrmit p'e dokter examiná su persona.

Y aki Corte a bati cabez di Gobierno y nan abogado pasobra nan por a manda por lo menos un copia dje carta cu nan a manda pe trahador pe mèld serca dokter hunto cu un rapòrt dje dokter. Y aki tur cos a caba: Gobierno a pèrdè e caso.

Di manera cu e supervisor ta keto bay den servicio di Gobierno y no kier bay dokter pa aclareá si e ta malo of laga.

Rocco Tjon:

Un maneho migratorio husto ta un prioridad

RECIEN partido Movimiento Electoral di Pueblo a publica su programa di partido pa 2021-2025. Aruba ta un pais cu a wordo forma atraves di varios decada pa migrantenan cu a bin for di tur skina di mundo y hunto cu nos Arubiano a construi nos pais. Y den e cuadro aki e ta importante pa percura cu e maneho migratorio ta uno husto. Esaki por wordo realisa dor di percura pa procesonan amicable y transparente, segun lider di fraccion di MEP, Rocco Tjon.

CAMPAÑA ELECTORAL Y PROMESANAN FALSO

Ta importante pa trece padilanti cu aworaki politiconan opositor ta priminti cu ta bay parti permiso si sostene nan partido.

“Mi ta lamenta cu ta maluzo e momento aki pa pa malinforma ciudadanonan y na mes momento crea un ilusion. Partido MEP no ta haci ningun promesa falso, pero ta kere

den un maneho migratorio mas controlabel y mas humano, den cual tin un distincion den tratamiento di e prome permiso y e permisonan subsecuente.

Desde nos Status Aparte nos a habri nos fronteranan pa trahador di exterior bin duna nos un man pa desaroya nos economia. Debi sinembargo, n'e cifra halto di desempleo actual, e maneho pa otorgamento di e prome permiso lo ta mas estricto, pa proteha e mercado laboral p'esnan cu ya ta biba y traha na Aruba. Esaki ta inclui tur persona, Arubiano of no Arubiano.

Un prome permiso lo ser otorga solamente y exclusivamente si tin cupo di trabao cu no por wordo yena cu un persona cu ya ta biba na Aruba. Pero na mes momento e proceso di prolongacion lo keda agilisa y simplifica.

PROCESONAN DI APLICACION

Un punto cu hopi persona ta trece pa

dilanti, comerciante y ciudadanonan, ta cu permisonan no ta sali na ora. Te hasta sa pasa cu e permiso ta wordo otorga na momento cu ya caba el a vence. Procesonan asina ta inaceptabel. E proceso pa aplica pa permiso mester bira mas transparente, den cual sosten lo mester wordo brinda atraves di tecnologia. Asina garantizando integridad di e departamento y e proceso. Na mes momento lo evita cu e situacion di e personanan ta wordo explota.

PA CONCLUI

No laga ningun persona susha bo wowo cu promesa falso encuanto permiso y paspoort den e simannan aki. 4 Siman prome cu eleccion politiconan opositor lo primintibo tur cos djis pa haya bo voto. Locual nos mester pa drecha e situacion actual ta un departamento di DIMAS restructura cu procesonan mas transparente cu ta contesta e cliente na tempo”, segun Rocco Tjon.

Parlamentario drs. Shailiny Tromp-Lee:

Seguridad riba lama mester keda intensiva

“**DESDE** maart 2020 pa awe, cu duele na mi curason, mi mester bisa cu ya 6 di nos piscadonan ta perdi riba lama. Ta trata di Pau Martijn, Peter Kelkboom, Yubi Loefstok, Liang De, Junshi Feng y Xio He. Esaki sigur ta perdidanan doloroso di nos hendenan y un dolor grandi pa nan famia y amigonan.

Na mes momento cu cada perdida di nos hendenan riba lama Gobierno ta start up e buskeda necesario cu ta trece un gasto grandi cu ne. Esaki ta un punto di atencion di mi como Parlamentario y sigur di e Gobierno saliente”, na palabra Shailiny Tromp-Lee di MEP.

Tabatin bou auspicio di Minister Andin Bikker investigacion realisa pa metodonan mas eficiente pa introduci y incentiva piscador y baydo di lama en general pa garantisa nan seguridad. Durante e siguiente gobernacion sigur esaki mester ta un enfoke di prioridad pa pone e solucion den practica. Mirando e cantidad di hende cu ta perde riba lama esaki ta esencial.

Den e programa di Gobernacion 2021-2025 di MEP sigur e sector primario den su totalidad ta haya mas atencion. Entre otro e mercado popular lo sirbi pa ofrece productornan local y tin varios punto pa stimula hasta exportacion.

E creacion di un plataforma nacional lo ofrece tur productor, y piscado tambe ta den esaki, un mihor canalizacion pa trece nan puntonan dilanti.

Pa medio di inovacionnan, y den esaki e parti di seguridad riba lama sigur ta bin na remarca, lo modernisa varios aspecto di e sector primario.

“En corto lo traha hunto cu institutonan na un manera mas activo, cu conocimiento di nos hendenan local, pa facilita informacion y conscientisacion. Similar n’e charlanan informativo cual fundacionnan y Kustwacht tabata duna den pasado na entre otro Centro di Pesca Hadicurari



tempo mi tata Ramon Lee tabata Minister. Mester pone prioridad un biaha mas n’e partí di educacion y conscientisacion di e.o nos piscadornan.

Ademas dor di sincronisa informacion y procesonan necesario, por spera cu denter di poco tempo tur piscador lo sa ki tipo di aparato (manera un alarma) nan mester tin abordo, p’asina cu nan tin problema Kustwacht y otro instancianan ta haya sa. Esaki sigur por yuda minimisa perdida di nos hendenan riba lama.

Sector primario sigur ta haya su atencion special den nos plan di Gobernacion. Cu boso sostén y confiansa mi lo percura p’e plannan aki keda concretisa.

Ban uni forsa p’asina hunto nos por a logra mas. Bo kier mas detaye for di mi? Bo kier sa mas di mi ideanan pa bo causa? Sigui mi riba social media y ban hunto traha pa un futuro mas sigur riba lama. Mi ta para pa bo! Hunto nos ta avansa y trahando hunto nos ta logra mas!”, Shailiny Tromp-Lee a finalisa.

BEKENDMAKING

De Directeur van de Directie Wetgeving en Juridische Zaken maakt namens de Minister van Justitie, Veiligheid en Integratie hierbij bekend dat op 23 december 2020 aan de Dienst Openbare Werken een hindervergunning ingevolge de Hinderverordening (AB 1988 no. GT 27) is afgegeven ten behoeve van een vuilverbrandingsinstallatie te Parkietenbos. Aan deze hindervergunning zijn voorwaarden verbonden. Deze hindervergunning geeft alleen het recht tot het gebruik van een verbrandingsinstallatie/incinerator op het terrein gelegen te Parkietenbos 2. In het kader van de behandeling van de vergunningsaanvraag zijn door derden, conform de daarvoor geldende wettelijke voorschriften, bezwaren ingediend tegen de verlening van de verzochte vergunning. Deze bezwaren zijn voorgelegd aan de diensten voor onderzoek en advies. Hun adviezen, alsmede de voorwaarden zoals voorgesteld door de Kort Geding rechter is zijn uitspraak van 21 augustus 2020 (KG nr. AUA 202000397) verwerkt in de hindervergunning. Een kopie van de hindervergunning ligt ter inzage bij de Directie Wetgeving en Juridische Zaken

Minister di Husticia Andin Bikker a asisti na encuentro cu Cas di Seguridad

AYERA a tuma lugar e reunion cu e Cas di Seguridad (“Veiligheidshuis”) cu ta consisti di diferente instancia di e cadena hudicial, social y di salud. Na mei 2018 a institui, a base di recomendacion di Procurador General Alexander van Dam, e Cas di Seguridad (“Veiligheidshuis”).

Instancianan cu tin di haber cu e cadena di husticia, social y di salud ta traha hunto pa atende casonan social cu por core risico di bay den e direccion di criminalidad si no interweni. E proteccion di e posibel victima y su medio ambiente ta central, pesey ta papia di ‘Veiligheidshuis’. E ta pues basa riba un forma multidisciplinario di traha.

E Cas di Seguridad tin su cede na oficina di Ministerio Publico y periodicamente e miembronan di e Cas di Seguridad ta reuni cu mandatarionan, den e caso aki ayera cu Minister-President, sra. Evelyn Wever-Croes y Minister di Husticia, sr. Andin Bikker.

Na mei 2019 Veiligheidshuis a tene un simposio a base di cual Minister Bikker a presenta un concepto di ley pa atende cu personanan cu ta sufri di un malesa psiquiatrico (‘voorwaardelijke machtigingswet’). Dor di e retonan di e pandemia e reunion pa aña 2021 tabata pendiente pa algun tempo y ayera a tuma lugar.



E reunion a bay den bon ambiente caminda a haya e jaarverslag 2020 di casonan trata y pendiente, y a trece varios sugerencia dilanti na un forma hopi constructivo. E mandatarionan a gradici e partnernan di e cadena pa nan aporte cu ta haci cu e Cas di Seguridad a bira un éxito desde su inicio.



Minister di Enseñansa dr. Rudy Lampe e siman aki durante e conferencia di prensa di RED Democrático a papia di loke el a bin ta traha riba dje.

El a cuminsa pa splica cu partido RED dia 30 di mei lo cumpli 18 aña di existencia cu ta nifica: “Nos por asumi responsabilidad mas grandi p’e pais aki. Nos a demostra di no ta un partido aventurero, pero uno cla pa sirbi interesnan di Aruba.”

Tambe el a papia cu e siman aki ta lansa e programa informativo PEN 2030 (Plan Educacion Nacional). E ta un programa unda expertonan local riba e tema aki lo conscientisa pueblo cu inovacion ta indispensable.

P’e motibo aki tambe, e mandatario a bisa, cu e ta orguyoso cu RED tin tres

Na opinion di Minister Rudy Lampe

Parlamento a comete blunder ora cu a nenga pa independisa scolnan publico

candidato di e mundo di enseñansa, cu lo por comparti nan experticio cu pueblo di Aruba.

Un di e proyectonan cu ta pendiente p’e siguiente Gobierno ta independisacion di scolnan publico. El a recorda loke cu a pasa den Parlamento na april, 2018 y cu e ta cataloga como un blunder di e organo aki.

Den un sesion 20 Parlamentario a vota contra independisacion di scolnan publico y solamente Ricardo Croes a vota na favor di e consejo aki.

“Awor a haya raport di Departamento di Recurso Humano cu ta muestra cu e departamento di Scolnan Publico ta un caos.

Si Parlamento tres aña pasa a tuma e decision corecto, e interes di e maestronan lo tabata mihor sirbi. Centenares di dossier di personal di scolnan publico (docentenan) no ta actualisa.

Pa motibonan politico, Parlamento a bay contra, sin preocupa cu interes di e maestronan. Un docente (maestro) satisfecho, ta sirbi nos muchanan di un mihor forma,” e mandatario a bisa.

Esaki ta hustamente loke el a propone na 2018, segun e mandatario. E sistema cu el a propone ta igual na tur parti di Reino Hulanda y cu pa motibonan politico a bay contra e proposicion aki.

E ta lamenta cu hustamente docente y maestronan den Parlamento manera Jennifer Reyes, Marlon Sneek, Edgard Vrolijk y Sue Ann Ras a bay contra su proposicion. Esaki mientras cu nan tur ta traha pa un Stichting y no den un Scol Publico.

“Nos ta spera cu pueblo duna apoyo n’e maestronan riba lista pa traha pa mehora enseñansa na Aruba,” Rudy Lampe a bisa. E docentenan candidato ta Rene Kock, Shandy Dijkhoff y Sherwin Jacobs.

Mr. Gerlien Croes partido AVP

Mester introduci sistema di calificacion pa habri posibilidadnan pa tur hende



DEN declarcion duna recientemente, mr. Gerlien Croes candidato number 4 riba lista di partido AVP, a mostra cu e ta spera cu den futuro cercano lo por yega n'e punto cu ta introduci un sistema cu por ehempel na Europa ta hopi conoci, esta un sistema di calificacion na unda por midi e nivel di e persona su desaroyo y reconoce esaki

p'asina por habri caminda p'e persona aki den nos sociedad.

Na Aruba tin hopi persona cu a haci diferente tipo di cursonan, pero cu no tin diploma di un opleiding, mayoria di biaha e personanan aki a gana hopi experiencia cu nan añanan di trabou, pero na momento cu nan perde trabao ta bira dificil pa nan bolbe drenta mercado laboral pasobra awendia mayoria dunador di trabou ta exige un diploma.

C'un sistema di 'qualification' por califica e persona a base di su experiencia y nivel di conocimiento y asina reconoce esakinan pa por crea oportunidad nan pa bolbe bek na pia di trabou.

"Mi ta para tambe pa muchanan te cu 21 aña, cu nan mester tin un calificacion, un asina yama 'kwalificatie plicht', den otro palabra cu na edad di 21 tur hende tin un diploma den man y asina tambe crea cu tur hende na Aruba tin un pasport laboral pa nan por sigui desaroya nan mes y tin posibilidad pa haya un trabou.

Nos tin cu bay amplia nos conocimiento, nos mester bay ta habri pa realisa cu si nos no crea un base firme, nos lo no por tin un desaroyo desea pa nos pais.

Cada centro di barío, cada districto, si no ta un centro di barío mes, e infraestructura cu nos tin, nos mester por sa di usa esakinan corectamente, efectivamente y introduci programa pa despues di scol, y weekend pa mucha-, hoben- y adultonan y hasta nos hendenan grandi.

Si nos kier papia di educacion pa bida largo, nos mester por crea y reconoce e oportunidadnan aki tambe pa bida largo pa tur grupo, sin ningun distincion.

Definitivamente awor t'e momento pa expansion di e oportunidadnan aki y mas cu tur cos, dialogo y comunicacion ta hunga un rol hopi importante pa nos yega n'esaki.

Docentenan tin nan retonan caba locual ta enseñansa formal y laga nos wak con nos por presenta un mihor forma pa duna asistencia n'e formacion di muchanan y hobennan, cu tambe lo resulta den un actividad preventivo pa locual ta nos retonan social cu Aruba conoce.

Laga nos desaroya, laga nos forma e mihor personanan cu por duna bek den nos comunidad," mr. Gerlien Croes di AVP a declara.

Den TOP 25 na mundo pa TripAdvisor's 2021 'Travelers' Choice Awards'

Renaissance Aruba Resort & Casino un biaha mas ta ricibi e premio di 'Best of the Best'



Renaissance Aruba Resort & Casino ta conoci pa ta lider den ofrece experencianan sin igual na biaheronan rond mundo. Recientemente TripAdvisor a anuncia e resultadonan pa 2021 di nan 'Travelers Choice Awards' nombrando asina Renaissance Aruba Resort & Casino, como e unico hotel na Aruba, den e categoria di 'Top 25 Most Saved Hotels'.

Esaki ta un logro importante p'e famia di Renaissance mirando cu esaki ta pa di dos aña consecutivo cu ta ricibi e nominamento importante aki.

E aña aki TripAdvisor a añadi un biaha mas e categoria di 'Most Saved Hotels', esaki ta un compilacion di hotelnan rond mundo cu biaheronan ta pone riba nan 'bucket-list' pa bishita. Asina a crea un top 25, unda cu Renaissance Aruba Resort & Casino a posiciona su mes na puesto number 11.

Aña pasa tabata na puesto 18 for di 1.4 miyon hotelnan rond mundo y e unico pa Aruba registra riba TripAdvisor. Cu e crecimiento den posicion aki, Renaissance Aruba a sa di bolbe destaca y diferencia su

mes cu nan servicio impecabel, acomodacion incomparable y e flamingonan cu ta un atraccion sin igual cu renombre mundial.

Di acuerdo cu sr. Paul Gielen, General Manager di Renaissance Aruba Resort & Casino; *"Nos ta sumamente orguyoso cu Renaissance Aruba un biaha mas ta aparece riba e lista 'Best of the Best' di TripAdvisor. Un nombramento manera e 'Best of the Best' ta confirma cu nos ta keda riba e bon caminda y cu nos huespednan ta keda ansioso pa biaha y bishita Aruba bek. Danki ta bai na tur esnan cu a pone Renaissance Aruba riba nan lista pa biaha y cu nos por spera di yama cada un Bon Bini na Aruba y nos hotel"*.

Ganadornan di Filomena College MAVO a recibi nan premio

E siman cu a pasa Filomena College Mavo na San Nicolas a haci entrega di algun premio special na un grupo di alumno. Pa Filomena College Mavo ta hopi importante, banda di e conocimiento di e materianan escolar, p'e alumno desaroya tur e creatividad y talento artistico tambe.

Un total di 6 alumno a ser premia p'e concurso cultural di pintura cultural 2021.

E ganado absoluto cu su pintura creativo di cu e bandera di Aruba a bira Yanyi Mo Cen. E finalistanan ta Anuar Rincónes, Mireya Weller, Hezron van der Linde, Richard Geerman.

Tambe a ser saca e premio di Dia di Mama 2021 y esakinan a ser gana pa Ludwig van der Linden, Gilayne Warner, Daviën Thomasa. Tur e ganadornan a ricibi nan premio for di man di Directorado Raquel Lampe, Joraine Oduber y nan mentornan.



Integridad selectivo?

Pa: Daphne Lejuez

UN observacion - Gobierno a cai y a pidi pa Parlamento keda desolvi fin di maart. Como motibo tabatin un falta di integridad, pa so lo tin un investigacion riba un di e partnernan den coalicion pa motibo di malversion di fondonan publico pa un Parlamentario (n'e momento ey tambe lider di un partido di e miembronan den coalicion).

Nunca mas di parti di Gobierno a pasa Staten, ni den un encuentro publico (OB), pa trata esaki. Y mucho menos, e fraccion cu ta sostene e partido mayoritario di coalicion, cu t'esun cu e kita su confiansa p'e motibo aki, tampoco nunca a pidi un reunion den Staten pa trata e caso aki.

Mientrastanto e persona ta den funcion, ainda e tin sosten como Vice Presidente, y es mas, awor ta fungiendo como Presidente di Staten den ausencia di e Presidente oficial di Staten cu ta na Hulanda te prome siman di juni desde cu a biaha diasabra ultimo.

Pues e pregunta ta, con por papia di Integridad si no ta trata e tipo di asuntonan aki cu bo mes ta señala y hasta tumba un Gobierno p'e? Pa tur otro cos si por a yama un encuentro publico (OB), pero pakico no a yama un reunion publico riba e tema aki of re-emplasa e Vice Presidente si enberdad tabatin tanto duda den su persona su integridad cu el a hasta costa Gobierno pa cay?

Enfin - food for thought y nada personal contra niun hende - e principio innocent until proven guilty ainda ta con nos leynan ta funciona ... pero e ta keda n'esnan cu a lansa acusacion y baha Gobierno, pa tuma accion of duna splicacion dicon no a actua, of es mas ta di acuerdo p'e mesun persona cu segun nan a causa e kiebro pa motibo di integridad, awe por t'e representante di e organo mas halto di nos Pais.



E Gobierno nobo mester ta uno serio y fuerte pa negocia cu Hulanda con ta bay paga e debe bek

Segun MEP, Evelyn Wever-Croes t'e unico cu por lidera y saca Aruba for di e pandemia

DESDE cu e pandemia mundial Covid-19 a bati na nos porta, Aruba a hay'e den un situacion financiero hopi dificil. Prome cu e pandemia Gabinete Wever-Croes a pone Aruba bek riba e caminda di finansa sostenible y hasta tabata vislumbra un surplus pa aña 2020, prome cu e pandemia.

A yega na palabracionnan cu Hulanda, despues cu e Gobierno anterior a kibra tur palabracion. Y e confiansa di Hulanda den Aruba a wordo estableci bek. Lamentablemente despues e pandemia di Covid-19 a sera porta pa Aruba riba mercado financiero internacional y Aruba a hay'e forsa di bay presta placa di Hulanda.

Desde un principio a palabra cu parti di e debe por wordo dispensa, den forma di schenking. Pero Hulanda a indica cu esey lo wordo discuti na 2022, ora mester cuminsa paga e debe bek.

Esaki kiermen cu e siguiente Gobierno mester ta uno serio y fuerte pa negocia cu Hulanda pa dispensacion di parti di e debe of e debe completo.

Aki no tin espacio pa gobernantenan swak cu ta bay den welga di hamber, segun MEP. Ni tampoco tin espacio pa aventura. Y sigur no tin espacio pa gobernantenan cu kier bay den pleito cu Hulanda, pasobra ta hopi ta depende di e negociacionnan aki.



Sobrebibencia di nos pais ta depende di e negociacionnan aki.

Aruba mester awor mas cu nunca gobernantenan cu a demostra cu por enfrenta retonan y presion grandi. Gobernantenan cu experiencia y cu vision. Aruba awor mas cu nunca mester di partido MEP den Gobierno. Prome Minister Evelyn Wever-Croes a demostra curashi. El a demostra seriedad. E ta inspira confiansa localmente y internacionalmente. Tanto simpatisante y opositornan ta di acuerdo cu e t'e unico persona cu awor por lidera y saca Aruba for di e pandemia. Aruba, dun'e bo confiansa!

Resultado di e cuatro dia di e torneo di Beach Tennis Escolar di IBiSA

Mucha Homber den categoria B: 2007 pa 2009



IBiSA a organisa dia 27 di juni na BTA na Eagle Resort e prome serie di 4 torneo di Beach Tennis Escolar na unda Scol Basico Washington, Colegio San Hose, Prinses Amalia Basisschool, Mon Plaisir Basis, Colegio Sagrado Curason, Cacique Macuarima, Colegio Laura Wernet Paskel y Basisschool de Shakel ta participando.

E torneo aki ta consisti di 22 team di mucha homber den categoria A cu ta p'e muchanan naci na aña 2007 pa 2009.

E torneo a wordo hunga riba 11 cancha di Beach Tennis y den sistema di poule. Studentenan cu ta competi ta muchanan cu nunca a practica e deporte aki.

Meta di deporte escolar ta pa stimula actividad fisico y promove deporte cu n'e momento aki ta Beach Tennis.

IBiSA y Beach Tennis Aruba ta felicita e ganadornan. Na prome lugar a keda Dylan de Leça y Nishentel Myers, representando Colegio Sagrado Curason, na di dos a keda Edelmar Croes y Dyrick Wouters representando Colegio Laura Wernet Paskel y na di tres lugar a keda Geronimo Arends y Xyron Jacobs, representando Colegio San Hose.

IBiSA ta gradici e instructornan di Caribbean Beach Tennis School pa entrena y organisa e torneo di Beach Tennis Escolar.

Departamento Económico ta organisa

Aruba Investment Summit 2021 como parti di iniciativa di promocion di inversion na Aruba



DURANTE un conferencia di prensa Minister Xiomara Maduro a trece dilanti cu como parti di e iniciativanan di promocion di inversion di Aruba, Departamento di Asunto Económico, Comercio y Industria (DEACI) ta organisa ‘Aruba Investment Summit 2021’.

E cumbre lo tuma lugar virtualmente dialuna, 31 di mei, diamars 1 di juni y diaranson 2 di juni 2021. Esaki lo cuminsa pa 9 or di mainta y lo termina 12 ‘or y mey di merdia. Durante e cumbre lo tin oradornan internacional, tambe e miho lider-, ehecutivo- y comerciantenan local. E cumbre lo ta na Ingles y participacion ta gratis.

‘Aruba Investment Summit 2021’

Aruba Investment Summit 2021’ tin como obhetivo pa atrae inversionistanan local y di exterior, poniendo Aruba den centro di atencion como un destinacion di inversion, enfocando riba e oportunidadnan comercial den e Sectornan Prometedor di Aruba.

Esnan cu lo atende e cumbre aki lo haya un conocemento profundo di e proyectonan di inversion na Aruba, posibilidadnan di ‘test hub’, testimonio, contactonan valioso y mucho mas.

Programa di tres dia

E mandatario ta informa cu durante e cumbre lo tin participacion di varios experto, lider, ehecutivo y comerciante di

empresanan local lo comparti nan conocementonan tocante inversion na Aruba.

Esnan cu lo atende e cumbre aki tambe lo wordo inspira dor di e orador principal cu ta un persona mundialmente conoci, sr. Bradley J. Sugars, propietario, autor y business coach di e compania multi misionario di ActionCOACH y CEO di mas di 9 compania.

E oradornan lo comparti nan conocimiento tocante e creacion di un economia mas sostenibel pa nos pais Aruba mediante su Sectornan Prometedor y e oportunidadnan comercial cu esaki tin pa ofrece na inversionistanan local y di exterior.

Registracion

Durante ‘Aruba Investment Summit 2021’, tur cu lo atende lo siña tur e ‘ins and outs’ tocante con pa haci negoshi na Aruba, e Sectornan Prometedor y e oportunidadnan comercial cu nos pais tin disponibel.

Por registra via <https://hopin.com/events/aruba-investment-summit-2021>.

Pa mas informacion of pregunta

Por tuma contacto cu sra. Zuleika Quant na DEACI via email z.quant@deaci.aw. E mandatario a termina gradiciendo DEACI p’e tremendo trabaonan haci p’e cumbre aki por tuma lugar otro siman.

Un profesional medico cu ta alaba mal maneho di salubridad ta mal señal pa politica na Aruba

DEN un articulo anterior Booshi Wever a mostra caba riba e parti na unda cu ta tristo pa mira un medico profesional cu a caba di subi lista di AVP ta practica “memoria selectivo”, ora a trata su nombramento como especialista. Ta un lastima scucha cu dr. Selene Kock ta alaba e Ministernan anterior di e partido berde no a contribui na mehoracion di cuidu medico, pero a boycotea un desaroyo positivo pa salud na Aruba, particularmente di San Nicolas.

Como un persona cu a sigui un estudio basta avansa, e lo mester por sa cu prome cu bo papia bo mester busca tur informacion pa bo ta mihor prepara. E ta bisto cu dr. Kock no a busca pa sa cu ImSan NO tabata solamente un Centro di Cardiologia. ImSan tabata un THEMATISCH ZIEKENHUIS.

Un hospital pa trata TUR enfermedad a consecuencia di e problema mas grandi cu tin aki na Aruba, cu ta malesanan cronico! Dr. Kock mester compronde cu a dicidi pa atende cu e problematica di malesanan cronico a base di un “gezondheidsonderzoek “ cu Minister dr. Ike Posner a laga traha e tempo ey. Asina e idea entre otro pa un DIABETES-CENTRUM a nace tambe.

Un centro dedica na tratamento y vooral prevencion. Por ta dr. Kock lo por ta di acuerdo cumi cu e falta di un compromiso di parti di su partido pa promove prevencion, a contribui cu awor e cantidad di persona cu ta sufri di diabetes a aumenta cu 10% den 5 año. Por ta cu dr. Kock mescos cumi lo a sinti su mes defrauda cu patientnan cu a haya complicacion entre otro di wowo y curazon lo por a haya for di

e tempo aya caba un mihor cuidu cu lamentablemente a wordo nenga pa motibo di capricho politico di su partido berde, segun Booshi Wever.

Ta di lamenta cu net e dos Ministernan di AVP cu e ta elogia pa cu ImSan, ta hustamente e dos Ministernan cu a boycotea e plan original di ImSan. Un boycott cu a costa Aruba hopi placa, pasobra material cu ya caba tabata disponibel na ImSan a desaparece of a wordo bendi pa prijs di baca flaco. Unda e 3 cat-labs ta? Unda e 5 ICU-nan a bai? E 6 MCU-nan a desaparece tambe. Lamentable tambe ta e personanan cu a fayece pa motibo di problema di curazon, pasobra no tabatin e tratamiento cu lo por a scapa nan bida cu ImSan tabata ofrece.

E profesional medico tampoco no ta na altura cu e gobernante di e tempo ey, cu no ta di e partido berde, a yega na un acuerdo cu e mandatario di Corsou, pa haci un intercambio di tratamento medico. Aruba lo a enfoca riba problema cardio-vascular y Corsou riba tratamiento di cancer.

Asina aki lo por a contene e gastonan medico pa patientnan. Pa colmo dr. Kock ta duna di conoce cu un tratamiento cardio-vascular ta hopi costoso y no realisabel pa Aruba. Su persona ta lubida di menciona cu gran parti di esnan cu tabata wordo manda den exterior ta pa motibo di problema cardio-vascular, loke a conduci cu na final di cuenta a dicidi pa tog haci intervencion cardio-vascular aki na Aruba mes. Si antes e lo tabata caro, imaginabo awor. Lo ta bon tambe pa dr. Selene Kock bisa pueblo, e costo di e tratamiento di radioterapia.

Asina leu cu nos sa e ta sumamente costoso, pero e ta duna nos hendenan cu ta pasa dor di un momento dificil e oportunidad di ta cerca di nan sernan keri. Y juist esey ta “priceless”.

Segun Booshi Wever no ta su intencion pa huzga e forma con dr. Selene Kock ta eherce su funcion, pero loke si ta resalta ta su ignorancia completo di acontecimentonan cu a tuma lugar riba tereno medico prome y despues cu su persona a regresa Aruba y di politica en general. Ta obvio cu dr. Kock tin un memoria selectivo.

E ta acentua e fayonan riba maneho di salubridad, pero ta lubida di menciona cu pueblo a bira victima di mal maneho berde y geel desde fin di 2009, cu a resulta cu awor nos tin un supervision Hulandes. Dr. Kock ta lubida di menciona cu e gasto di salubridad, si gobierno no interveni aworaki manera palabra cu Hulanda y Landspakket firma, lo bay subi substancialmente cu 200 miyon florin den diez año loke ta haci nos salubridad un di mas caro di mundo cu alrededor di 18% di GDP (mientras e norma mester ta rond di 10%).

Ta cada un su derecho pa scoge di dreña arena politico, pero por fabor prepara bo mes mihor pa evita di papia barbaridad, pero mas importante pa evita di ta malinforma nos pueblo y ultraha e berdad. E comienso den politica di dr. Selene Kock no ta duna ningun indicacion di cu esaki lo bay sosode.

Ta pesey mester cambia tipo di politica manipulativo asina un banda y vota pa e REBOOT ARUBA 2.0 cu lo percura pa un MANECE NOBO PA ARUBA, Booshi Wever a conclui.

Na caminda pa eleccion 2021,

Organisacion Women empOwering Women (WOW) ta organisa debate cu politiconan femenino



DEN preparacion pa eleccion di juni benidero, organisacion Women empOwering Women ta organisa un debate cu politiconan femenino pa nan miembronan. E focus di e debate aki tabata pa duna realce na informacion cu lo yuda miembronan vota conciente durante eleccion di juni benidero.

Debi na limitacion di tempo pa cu e debate por a scoge 6 politico femenino y 6 topico di interes. Pa scoge e topiconan di interes y ken lo forma parti di e debate, miembronan di WOW a completa un encuesta anonimo.

Abase di e encuesta aki a scoge e top 6 politiconan femenino: Lisette Malmberg / PPA; Evelyn Wever-Croes / MEP; Daphne Lejuez / Accion21; Gerlien Croes / AVP; Misha Raymond / RAIZ; Marisol Lopez-Tromp / MAS. Y e top 6 'Topiconan di interes': Educacion; Medio Ambiente; Finansa Publico; Economia; Igualdad di Genero; Belasting.

E debate a tuma lugar den un sala di The Cinemas di Renaissance Marketplace, unda miembronan di WOW mes a coordina y modera e evento. Debi na limitacion pa cu internet/wifi den e sala WOW a opta pa graba e debate p'asina publica esaki riba plataforma di Facebook di WOW Aruba y haci e informacion aki disponibel pa publico. E idea ta p'e contenido yega na mas hende muher y asina encurasha pa sa mas di e vision di cada politico femenino.

Pa eleccion 2021 nos tin un total di 58 hende muher participando y e ta keda na nos pa sostene nan, asina so nos lo por yega na igualdad. Por ultimo, organisacion Women empOwering Women kier extende palabra di elogio n'e 58 representantenan femenino den politica na Aruba pa haci uso di e oportunidad pa promove y stimula mas participacion di hende muher den politica, p'asina nos yega mas serca di un representacion igual na Aruba.

Den bario di Kurasoleño na Rotterdam.....



...den e kaya Carnisse di Meester Arendstraat na Rotterdam-Zuid polisa a haña nan ta investiga.

WILLEMSTAD - Diarazon mainta tabatin un krimen horibel den e bario na Rotterdam-Zuid kaminda tin sentenares di Kurasoleño ta biba pa desenas di aña kaba i ta un bario tipiko pa hendenan prosedente di Kòrsou. Ta sosodé ku un grupo di mucha homber a yega na kas dje hoben di 17 aña kual Polis no ke duna su identidat ainda.

Bisiñanan a mira gran parti dje drama ku a sosode den portal dje kas den Meester Arendstraat na Rotterdam-Zuid. Nan no por a kere ni kompronde kon poko hoben a puñala e hoben di 17 aña mata a sangre fria a leshona e mama di 44 aña tambe. Nan a herid'é na su brasa i ambu-

lans mester a hib'e hospital.

Inmedatamente Alto Mando Polisial di Rotterdam a asigna 20 reshershe riba e kaso pasobra nan ta hartu kaba dje kantidat di asesinato k kuchú k ta sosode den e siudat.

E bisiña ku ta biba den e apartamento ariba di e kas ta malamente emoshoná i tabata den kama ora e krimen a sosode. Ta Polis a ring e bèl na su porta pa bisé ku e tin ku por Sali, pasobra nan a buskando e asesino.

E bisiña a konta ku e famia ku a bira viktima dje atake ta un famia masha normal i nan ta biba bon ku otro. E viktima tabata forma parti di un famia ku tres u di kual dos tabata na kas ainda. E ruman muhé a bai skol i e tata di kriansa a bai traha. E señora tin desenas di aña ta biba den e kas. Den e bario tin desenas di famia i konosí dje famia. Tur loke a konosi ainda ta ku banda di miar di dies'or poko mucha homber a drenta e portiek i a hinka e hoben mata pa despues kore bai.



Zoraida M. Rampart – Angela

Mihorconocicomo "Z or Zor"
*22-09-1963 - †18-05-2021

Casa: Calixte Rampart
Yiunan: Jeaniré Rampart
Carizja Rampart
Tata: †Cipriano (Roo) Angela
Mama: Aura Angela – Geerman
Rumannan: Loreto (Roque) Angela y † Iris Angela – Del Rosario
Xiomara Ras – Angela y Gabriel (Gaby) Ras
Tantan y omonan:
Theodora (Dora) y Sigifredo Lozano y famia
Rosa Geerman
†Cesar (Chai) y Maria (Illa) Angela y famia
†Filomena (Meme)Winterdaal – V/d Linden y Victor (Bito) y famia
†Cerialio (Cirio) y †Susana (Chana) Angela y famia
Swa/cuña: Vanel Rampart y famia
Carline Thelusma y famia
Ginette Pierre – Louis y famia
Edeline Jean-Pierre Dorvilly y famia
Sobrinonan y Sobrina: Garvin, Xerina, Bryan, Jason, Aaron, Anwar y Shamark
Iha nan stima: Jason Angela y Garvin Ras
Madrina: † Filomena Winterdaal – V/d Linden
Tur primonan y primanan.
Amiganan di cas: Mayra Maduro, Milagros Huberman y famia, Sheree-liz Quant
Bon bisiñanan: Kenneth y Lilian Winterdaal y famia
Ex-coleganan di Radisson y Apfa
Y demasfamia: Rampart, Angela, Geerman, del Rosario, Ras, Thelusma, Aurelien, Pierre – Louis, Jean-Pierre Dorvilly, Winterdaal, V/d Linden, Wever, de Cuba, Kock, Paalman, Boekhoudt, Obersi.

Anochi di condolencia lo tumalugarDiahuebs 27 di Mei for di 7-9or na Aurora Funeral Home.
Acto di entierio lo tumalugarDiabierna 28 di Mei for di 2-4ornamisa Santa Filomena naParadera.

Nos disculpasi den nos tristeza nos por a lubidaalgunfamia, amigo/a, of conocir.

Despues di entierionosno lo ricibibishita di condolencia-nacas.

Pa situashon actual di Covid-19 tin cu cumpli cu reglananstipula door di DVG. Tapaboca ta obligatorio, hasiuzo di hand sanitizer y mantenedistancia social, evitaaglomerashon y no ta permiti pa duna man, sunchi, of brasa.



Gradicimiento / Invitacion

Nos kier gradici tur persona cu di un of otro manera a muestra nan atencion, amor y cariño y a duna nos sosten durante e momentonan hopi dificil na ora di fayecimento y entierio di nos defunto stima:



Ludwina Barbara Boekhoudt
"Dina"

Boso muestra di atencion ta wordo aprecia y e ta un gran sosten y consuelo pa nos. Un danki grandi na un y tur cu a manda caarchi, kran, whatsapp, email y pa tur e yamadan di telefon. Gradicimiento special ta bay pa Directiva y miembronan di Kibrahacha, Sonrisa, Fundacion Edmund Harms, Wit Gele Kruis, Pastor Toti, Pastor Juancho, Etienne Yarzagaray, Domi Peter Hazenoot, Gaita Mama Rosa y Dr. Essendaal, un danki di curason na nos Ruman Rosa Croes cu a stima y cuida pa 11 aña "Dina" nos ruman tambe e Sobrino(a)nan y sobre-sobrino(a)nan y alavez ta invita pa 3 Santo Sacrificio di Misa cu lo tuma lugar na Misa Santa Filomena na Paradera.

Dianan:

- o Diahuebs 27 di Mei 2021, 7.00 pm
- o Diabierna28 di Mei 2021, 7.00 pm
- o Diasabra 29 di Mei 2021, 7.00 pm

Detenshon pa komplisidat na entre otro froude

WILLEMSTAD - Kontinuando ku un investigashon relashoná ku malversashon c.q. ladronisia na boka di trabou, falsifikashon di dokumento i labamentu di plaka, Polis a hasi un detenshon.

Djárason 26 di mei 2021, alrededor di 09.26'or, Reshèrshi di VVC, a detené e dama **N.L.D.W. nacé na Kòrsou di 36 aña di edad**, pa komplisidat den e kaso ariba menshoná. Detenshon a tuma lugar na Warda di Rechèrshi na Garipitoweg.

A presentá e sospechoso dilanti un Fiskal ouksiliar kende a ordená su encarselamento pendiente di mas investigashon.

Djis un pregunta simpel...

Pa: Armand Hessels



Si Bo lo ta doño di un empresa grandi, na momento di selecta un directeur, Bo lo scoge pa un persona cu:

- Solamente ta popular, sin tin ningun tipo di experencia di maneho;
- no tin e minimo idea con pa traha un presupuesto y ta entrega esey hopi luna lat;
- ta presenta structuralmente presupuesto deficiente cu mas gasto cu entrada;
- no ta practica control di e gasto- y entradanan;
- nunca ta entrega un cuenta anual aproba pa un accountant;
- p'e motibo ey semper ta duna motibo pa duda di su integridad;
- ta tuma mas personal den servicio sin cu tin placa pa cubri e gastonan ey;
- ta tuma personal den servicio sin e calificacionnan necesario;
- ta ehecuta proyecto cu semper ta costa hopi mas cu a presupuesta y pa cual no ta cla si a uza e placa debidamente;
- p'e motibonan aki tur aña ta causa perdida cu consecuencia cu mester presta mas na banco;
- al fin y al cabo ta hiba Bo empresa na un bancarota sigur?

Si pa Bo Empresa nunca Bo lo scoge pa un Director asina, pakico Bo ta scoge SÍ pa GOBERNANTE asina???
Pasobra cada bes atrobe Aruba ta scoge p'e mesun partidonan cu ta comete tipo di gobernacion asina...

Royal Aurora Funeral Home & Crematory

Ki alegría, ora nan a bisa mi:

"Ban cas di Señor!"

I awor, ata mi aki para na bo porta Señor.

Salmo 122

Cu inmenso dolor y tristesa na nos curazon nos ta anuncia fayecimiento di nos Tata, Welo, Bisawelo y ruman stima:



Eldi Romaldo Koolman

*15-09-1945 †23-05-2021

Esposa:

† Fransisca (Sita) Koolman-Maduro

Yuinan:

Agnes Y Elvis Henriquez-Koolman

Elizabeth (Lili) Koolman y Fidelio (Delio) Ras

Eldito (Dito) Koolman

Danilo (Dani) Koolman Y Valerie Henriquez

Nieto y nietanan:

Carlos Willems y Jennifer Arias

Carolina Willems y Saul Croes y famia

Shandy Schwengle

Cristina Willems

Tata di su nieto y nietanan:

Carlito Willems

Mama di su bisanieto:

Jannyr Querales

Bisanieto y Bisanieta:

Jahdiel Willems y Eliza Croes

Tata y Mama:

†Lorenzo y †Juliana Koolman-Wout

Rumanan:

†Sabina y †Candelario Quandt-Koolman y famia Danies

†Laurens (Max) y Felicia Koolman-Kelly y famia

Rosabela (Rosita) Koolman y famia Quant

Frank y Dora Koolman-Hernandez y famia

Jacqueline (Sira) Allen-Koolman y famia

Adriana Koolman y famia Rouse

†Robert (Robbie) Koolman

Erwin Flanegin

Freddy Flanegin

†Pablo Flanegin y famia

Swa Y Cuñanan:

Julio (Nadi) y Raquel Maduro y famia

Maria Maduro

†Brigida (Dachi) Maduro y famia

Remencio Werleman

Laurencio y Marjorie Werleman-dos Santos y famia

Josef Werleman y famia

Mendino Werleman y famia

Thomas (Tommy) Maduro y famia

Salamon (John John) Maduro

Marina Werleman

Erna (Marlene) Werleman y Melvis Servinus y famia

Amiga di kas:

Rebecca Koolman-El Jabakhanji

Su mihor Bisiña:

Jacenta Geerman-Lee y famia

Omo y tantanan, sobrino y sobrinanan, primo y primanan hopi pa menciona, Comer y Comper, Bisiñanan y demas amigonan y nan conocirnan

Su ex Coleganan di D.O.W. y Rumannan di Iglesia Alianza Nobo, y Ekipo Dios ta Amor.

Demas famianan:

Koolman, Maduro, Henriquez, Geerman, Willems, Schwengle, Querales, Croes, Quandt, Danies, Quant, Wout, Arias, Kelly, Hernandez, Allen, Rouse, Flanegin, Rosel, Werleman, Hart, Rasmijn, Stamper, Groeneveld, Briezen, Caster, Thiel, Angela, Servinus, Rodriguez, Gamara, dos Santos, Orman, Jansen, Noguera, Yarzagaray, El Jabakhanji, Lee, Henricus, Ta invita pa acto di entierro cual lo tuma lugar na Royal Funeral Home diasabra 29 di mei 2021 di 2'or pa 4'or di atardi. Despues lo sali pa Santana Central Sabana Basora.

Nos disculpa si den nos tristesa nos por a lubida un familiar, bisiña of conocir.

Royal Aurora Funeral Home & Crematory

With deep regrets and sadness in our hearts we announce the passing of our loving wife, mother, sister, aunt and friend:



Joyce Elaine Nahar Brown

*30-06-1946 †22-05-2021

John 16:22 Therefore, you too have grief now; but I will see you again, and your heart will rejoice, and no one will take your joy away from you.

1 Corinthians 13:7 Love bears all things, believes all things, hope all things, endures all things.

Left to mourn her loss is her:

Husband: Herman Bertus Nahar

Children: Dario L. Nahar & Vanessa Croes

Herman (Jay) & Audrey Nahar van Trig

Grandchildren: Herman Nahar

Ezequil Nahar

Kiara Nahar

Delgin Kemp

Brothers and sisters: Olivia Jansen Paesch

Louis Brown

†Errol Brown

Ethel Stamper Brown

†Pamela Hassel Brown

Nelson Brown

Michael Brown

Bridgette Brown

Like sister: Joan Bitorina

In laws:

Mildred Nahar & family

Kenneth Nahar & family

Franseline Schikkink Nahar

Corine Nahar & family

†Robert Nahar & family

†Julio Jansen

Aki Brown Helman & family

Estella Brown Thode & family

William Hassel & family

Pedro Stamper & family

Nephews and nieces:

Corine Brown and Erolito Brown & family

Andre Stamper & family

Olivia Stamper & family

Allen Brown

Louis Brown jr. & family

Sean Brown & family

Scarlet Hassel & family

Tesheena Brown & family

Maikito Brown

Friends of the Art Painting Club

Families and Friends: Melusha Nahar

Peter Schikkink

Clarence de Windt

She was related to: Croes, Fingal, Irwin, Erasmus, Paesch, Loopstok, Vrolijk, Lampe, Luidens, Dubero, Hogenkamp, Jap A Joe, de Wind, van Trig, de Souza, st Jago.

In Aruba, the Netherlands, Curacao, USA, Canada, St Vincent & Suriname Special thanks to the staff and personnel of Huize Maristella & SABA for their loving care of Joyce Nahar during the past few years.

The funeral will take place on Friday may 28th 2021 at 4pm at the Saint Theresita Church in San Nicolaas followed by the internment at the Catholic Cemetery in San Nicolas. Opportunity for condolences will be from 2pm till 4 pm in church.

E-mail address for condolences: hbnaharsr@gmail.com


If during our time of bereavement we forgot to name a friend or family member we sincerely apologize



Tur cos aki na mundo tin su ora y su tempo,
Ora pa nace y ora pa muri, ora pa yora y ora pa hari,
Ora pa keda keto y ora pa papia, ora pa stima y ora pa odia,
Ora pa Guerra y ora pa paz.

Predicador 3:1-2-4-7-8

Cu dolor na nos curason, nos ta anuncia fayecimento di nos ser stima:



Regina Kathleen Shamila Croes-Dirksz

Cariñosamente jama: Kathy, tanchi Kathy of Pepe

*25 februari 1982 - †23 mei 2021

Na number di su:

Estimado esposo: Michael F. Croes

Yiu stima: Regina Emilia Kalilah F. Croes

Mescos Yiu: Juella Werleman

Mayornan: Regina (Sita) y Ervilio (Jani) Dorothal-Dirksz

Betrando Dirksz

Wela y Welo: † Tirburcio y † Veronica Dirksz-Maduro

† Julio y † Petra Dorothal-Kock

† Foyen Dirksz y Lucia Vrolijk

Rumannan: Suyenne Dorothal y famia

Sulayka y Jimmy Thode-Dorothal y famia

Daysiree Dorothal y Nico Maduro y famia

Reynilda Keyla y Franklin Hernandis-Dorothal y famia

Reginald Kendrick Dorothal y Jayline Geerman y famia

Demas rumannan na Hulanda

Mescos cu Juliette y Faviano Werleman-Koolman y famia

Rumannan: Maritza Koolman y famia

Jorge Koolman y famia

Sobrino y Sobrinnan:

Giany, Emely, Keyton, Frangelina, Kiziene, Keiziane, Kaylee,

Elijah, Nicole, Victor, Jarziño y Gorgino.

Suegro y suegra: Mario y Jane Croes-Geerman

Cuñá: Sheila Croes y famia

Padrino y madrina: Nico y Victoria Maduro-Dirksz

Ihanan: Juella, Emely, Keyton, Joelly, Kiziane y Adrion

Demas famianan. Tanta y Omonan. Primo y Prima nan, Comer y Compernan.

Demas famia aki na Aruba y den exterior, bisiñanan, amigo y amiganan, ex coleganan, coleganan di Subway y demas conocirnan.

Si en caso den nos tristesa nos por a lubida algun persona of famia, nos ta pidi nos mas sincero disculpa.

Ta invita pa acto di entierro cual lo tuma lugar na Aurora Funeral Home diabierna 28 di mei 2021 di 9'or pa 11'or di mainta. Despues lo sali pa Santana Catolico na Sta Cruz.

Despues di entierro no por risibi bishita di condolencia na cas.

Motociclista (27) cu hopi golpi na cara despues di a dal contra un Toyota Yaris



Diahuebs mainta tempran den careda di 7'or un accidente serio a sosode n'e crusada pariba di Parlamento. Tabata trata di un accidente un biaha mas entre auto cu bromer.

Na yegada di Polis a pidi ambulance cu urgencia, esaki debi cu e motociclista tabata parcialmente bou di e Toyota Yaris. A pidi tambe pa Polis di Trafico y Slachtofferhulp.

Na yegada di Ambulance, e Paramediconan a bay atende mesora cu e motociclista (27) cu tabata boca abou riba caminda.

El a wordo lanta y hinca den ambulance, unda cu nan a keda stabilise y a sali despues di basta rato cu ne direccion Hospital.

Segun informacion n'e sitio e cabayero a haya hopi sla na cara, pero e lo ta bay ta ok.

E accidente a sosode momento cu e chauffeur di edad no a mira e bromer momento cu el a bay bira na su man robes.

Caminda a keda sera pa algun rato, pa Departamento di Trafico por a haci su investigacion hunto cu BFTO (Departamento Tecnico).

Accidente den cadena na Santa Cruz, 4 auto involvi



Diahuebs merdia algo prome cu 1'or un accidente den cadena a sosode riba e caminda di Santa Cruz. Tabata trata di 4 auto.

Polis mester a bay poco pura debi cu den un di e autonan tabatin un craitura, y no tabata cla si e mucha a resulta herida.

Na yegada di Polis a controla tur esnan involvi si nan ta ok y a resulta cu no tabatin hende herida. Daño material si tabata mas grandi p'e dos autonan patras, cual un di nan ta un V-car.

E dos autonan patras tabata un Altezza y un Hyundai Accent maneha pa un meneer Hulandes.



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL